



BASES DO VI PREMIO UNIVERSITARIO DE COMUNICACIÓN CIENTÍFICA “CONTAR A CIENCIA-LA CAIXA”

A Real Academia Galega de Ciencias (RAGC) convoca a sexta edición do Premio Universitario de Comunicación Científica “Contar a Ciencia-la Caixa”, patrocinado por La Caixa e organizado polo portal GCiencia. O evento conta coa colaboración da Secretaría Xeral de Universidades da Xunta. O premio ten como principais obxectivos fomentar a creación de traballos de xornalismo científico entre os futuros profesionais da comunicación e dar a coñecer a investigación científica universitaria que se fai en Galicia.

1. O VI Premio Universitario “la Caixa” de Comunicación Científica, co lema “Contar a Ciencia”, quere divulgar a investigación que se fai nas universidades de Galicia e animar aos estudantes a coñecer e fomentar o xornalismo e a comunicación científica.
2. A convocatoria está aberta aos alumnos das facultades de Ciencias da Comunicación de Santiago de Compostela, de Ciencias Sociais e da Comunicación de Vigo (campus de Pontevedra) e de Ciencias da Comunicación da Coruña, que deberán presentar os seus traballos individualmente ou en grupos dun máximo de dúas persoas. Tamén poderán participar os graduados en Ciencias da Comunicación dalgunha das tres universidades galegas que obtiveran o seu título ao longo do curso 2017-2018.
3. Os candidatos presentarán as súas propostas a GCiencia, a través dun [formulario en liña ao que podes acceder nesta ligazón](#). Ditas propostas contarán, mediante un resumo de entre 500 e 700 caracteres, unha idea de reportaxe ou entrevista sobre un proxecto científico que se desenvolva en calquera das tres universidades galegas. Os traballos poderán ser escritos, fotográficos, audiovisuais ou multimedia, aínda que todos concorrerán nunha mesma categoría. O prazo para a **presentación destas propostas estará aberto ata o 25 de marzo**.
4. As propostas serán avaliadas por GCiencia, que elixirá as que máis destaquen polo interese e orixinalidade do tema tratado, calidade expositiva e valor xornalístico. GCiencia comunicará a decisión aos elixidos para que comecen a realizar os traballos xornalísticos propostos.
5. O idioma empregado será o galego.
6. Unha vez realizada a selección de propostas, os alumnos que pasen a primeira selección terán de prazo **ata o 30 de abril** presentar os seus

traballos. Os traballos **escritos** deberán ter unha extensión de entre 3.500 e 7.000 caracteres con espazos, serán presentados en formato Word e acompañados dunha o mais imaxes libres de dereitos. Os traballos **audiovisuais** terán unha duración entre tres e catro minutos. As imaxes deberán pertencer aos propios alumnos. Permítese a utilización de recursos audiovisuais alleos, sempre que non excedan dun 15% da duración total da peza e estean libre de dereitos. As pezas virán acompañadas dun texto xornalístico de resumo de canto menos 600 caracteres con espazos. Os traballos audiovisuais deberán respectar formatos xornalísticos tradicionais, como reportaxes, entrevistas ou noticias. Poderanse presentar tamén **reportaxes fotográficas**, que irán acompañadas dun texto en formato word con título, subtítulo e non menos de 600 caracteres con espazos. En todos os casos, as imaxes deben estar libres de dereitos.

7. A documentación será enviada polos participantes a un **formulario que será facilitado pola organización** aos seleccionados e deberá incluír os seguintes **datos**: nome completo do participante, enderezo electrónico, enderezo postal, teléfono de contacto e centro universitario no que cursa estudos. En caso de traballos por parellas, deberá aclararse cal dos dous estudantes lidera a proposta, que será quen reciba tanto o ingreso do diñeiro como o dispositivo e os diplomas en caso de resultar gañador.
8. Os traballos serán publicados en GCiencia **no mes de maio de 2019**. A organización resérvase o dereito a non publicalos se carecen da calidade necesaria ou se detecta falta de orixinalidade; así como a posibilidade de introducir mínimos cambios na edición dos traballos.
9. Unha vez publicados todos os traballos, un xurado elixirá ó gañador e os dous finalistas do IV Premio Universitario "la Caixa" de Xornalismo Científico.
10. **O fallo do xurado emitírase no mes de xuño de 2019.**
11. Os premios serán os seguintes: 1º Premio: **500 euros en metálico**, un dispositivo electrónico ([IoxPhone P1 de Primux](#)) e diploma acreditativo. Cada un dos dous finalistas: un [equipo de altofalantes portátil Sk-21 de Primux](#) e un diploma acreditativo. Os restantes concursantes seleccionados para elaborar os seus traballos recibirán diplomas acreditativos.
12. O xurado estará encabezado polo presidente da Real Academia Galega de Ciencias, D. Juan Lema Rodicio, e estará integrado por representantes da Consellería de Educación, do Consello Superior de Investigacións Científicas (CSIC), de 'la Caixa' e do Colexio Profesional de Xornalistas de Galicia, de GCiencia, así como por un investigador galego de recoñecido prestixio.



13. No fallo do premio, o xurado terá en conta os criterios establecidos no punto 4, así como o alcance e repercusión acadados nas redes sociais.
14. As bases e a evolución das distintas fases do Premio iranse detallando en GCiencia, dentro da sección "Contar A Ciencia", na que tamén se publicarán os traballos seleccionados.
15. O xurado reserva a posibilidade de declarar deserto o premio.
16. Os premios entregaranse nun acto público que se celebrará en Santiago de Compostela **entre xuño e xullo de 2019**. No caso de non poder asistir ao acto, os gañadores e finalistas recibirán os premios por envío postal.
17. Os datos de carácter persoal que se puidesen recoller nesta convocatoria, serán para o ámbito e coa exclusiva finalidade do seguimento, control e desenvolvemento desta, quedando garantido o seu tratamento e protección de acordo co establecido pola Lei Orgánica 15/1999, do 13 de decembro, de Protección de Datos de Carácter Persoal. O responsable do ficheiro é Ciencia Galega Industrias Creativas S.L., con domicilio en Rúa Velázquez Moreno, 17, 36202 Vigo, onde poderá exercerse os dereitos de acceso, rectificación, cancelación e oposición.
18. A comunicación de finalistas e gañadores farase directamente cos participantes por correo electrónico e a través de gciencia.com.
19. Os participantes consenten, ao incorporarse á presente convocatoria, a libre utilización, publicación e reprodución por parte de GCiencia dos seus traballos, sen que iso implique a cesión dos dereitos de propiedade á empresa editora.
20. Os participantes, polo feito de presentar as súas candidaturas, aceptan as presentes bases e a decisión do xurado, renunciando a toda reclamación.

Convoca



Patrocina



Organiza



Colaboran

